

Der Stall

Des Wetter hett aa ä ~~ixix~~ wenni besser sei könn.
En ganze Tag hots awigemacht; Rääche unn Wiend,
unn alsemol ä bißle Schnee däzwische; aber liege-
gebliewe isser nit.

Kalt isses unn naß. Kä Haslä traut sich aus'm Wald.
Bloß düwe uffm WäBacker, ganz hinne, zetere vier
oder fünf Kracke.

Änn ganz alte Staal isses. Kä Tür mehr dro unn durch
die verfaulte Schinnel tropfts in ännner Tour.
Die Leut hömm awer doch no ä trockns Eck derwüsch,
der Wiend iss do aa nit sou richti hikumme.

Die Fraa sitzt uff're Börde Stroh un nagt an nem Ranke
Brot rüm. Aus'm Hafele mit Millich nimmt sie alsemol än
klänne Schluck. Daß des Brot besser rutscht.

Der Moo steht bloß sou do unn guckt. Guckt uff des Klänne
Kiend, des do vor em im Raaf liegt unn schlöff.

Eigentlich sieht er jo gar nit viel von dem Kiend.
Innere alti Gäulsdecke isses gewickelt, daß es ja nit friert.
Bloß die Aache un des Naslä spitze no ä wenni rau.
Aber der Moo werd gar nit ferti mit'm gucke.
Sou war em no nie üms Herz.

Ganz hinne im Eck liegt der Äisl unn kät.
Unn glotzt, als könnst er gar nit begreif,
was do überhaupt gschah iss.

Debei iss des doch sou leicht zu begreife!

Oder?